



ZIRLAI II

SEPTEMBER 15, 2012

DAILUAH BELTHLÈNG KHATA HRALH

CHÂNGVAWN: “Unau hmangaihnaa in hmangaih tawnin in ngaihsak rawh u. Mahni aia midang dah sangin chawimawi rawh u,” (Rome 12:10, NIV).

Chhiar Tûr: Genesis 25:19-34; *Thlahtubulte leh Zâwlneite*, pp. 191-194.

A Thu Zirtûr: Ka anpui ni lemlo midangte pawh ka hmangaih thei.

Ni lênga pawn nisaa awm angin han inchan la. I ðiante nena infiam angin emaw, huan lam hnathawhpui angin emaw inchan ta ang la. Tichuan inchung i han luh chuan thil eng emaw rimtui tak hre ta ang la. Tuemaw chuan chokaah eitur lo siam ta ang se. Thawk leh khatah i ril ðâmzia chu hre chhuak ta la. Ni khat chu chutiang dinhmunah chuan Essaua chu a ding a. Engtinge thil a kal zel dan i han zawng chhuak dawn teh ang u.

ISAACA leh Rebeki te chu hlim takin kum 20 chhung an innei tawh a. Rebeki chuan tuichhunchhuaha mikhual a hmuh ðum kha ngaihtuah chhuah nuam a ti fo ðhîn. Chu mikhual pa sanghawngseite chu ngilnei takin tui a lo pe a-tichuan a nun pumpui chu a lo danglam zo ta vek a nih kha. Isaaka lah chuan a nupui hmeltþa em em mai chu a thlir ning thei lova. Hmun hla tak aþanga a hnena rawn hruaitu Pathian chu a fak a ni. Chutiang chiah chuan Isaaka leh Rebeki te chu an inhmangaih êm êm a.

Mahse an nunah kim lo a awm tlat mai. Rebeki chuan fa a hring thei tlat lo. Chu chuan a tilungngai hle ðhîn. Pathianin a pa Abraham a hnena thu a tiam chu Isaaka chuan a hre kar thung a. Pathian chuan Abraham a hnenah chuan a chhungkua chu chi ropui taka a siam tur thu a hrih a. Mahse chutiang thil chu engtin nge Pathianin a rawn thlen tir ang le tiin a ngaihna tak a hre lo hle thung. Engtin nge Abraham a chhungkua aþang chuan chi ropui tak a lo chhuah theih ang aw? Abraham a fapa neih chhun Isaaka lah chuan fa pakhat mah a nei bawkw si lo. Hriatthiam loh thil lung ti zing tak a ni. Isaaka chuan chu thil lo thlen dik dan tur hriatthiam chu a chak ngawi ngai a.





A tawpah chuan Isaaka chuan Pathian hnenah a ngen ta chiam a. Rebeki fa pai tir turin Pathian hnenah chuan thahnem ngai takin a dil a. Tichuan Isaaka tawngtaina chu Pathianin kawng mak takin a rawn chhang ta a. Rebeki chuan fa pakhat mai ni lo, pahnih lai a hring ta! Pathianin Isaaka leh Rebeki te chu fa phir a pe ta anih chu!

Phirte chu an lo pian chhuah hma hauh atangin nu pum chhungah chuan an inngeih lo tan a. Rebeki chuan mak a ti kher mai. Eng vanga chutiang thil chu thleng nge a nih tuman an hrethiam bik lo. A pasal lahin a hre thiam hek lo. Amah enkawltute pawhin an hre thiam bik lova. Midang a zawh tumahin an hre thiam lo. Tichuan Rebeki chuan Pathian a rawn ta a. Tichuan tawngtadin Pathian hnenah thil awmzia a zawt ta a.

LALPA chuan Rebeki tawngtaina ti hian a chhang a. A kawchhunga nausente chu mi in ang lo tak an ni a. Hnam pahnih inngeih lo tak tak thlahtu turte an ni ang. Phir naupang zawk chu a u ai chuan a chak zawk dawn a ni.

Isaaka leh Rebeki te chuan an fa phirte chu Essau leh Jakoba tiin an hming an sa a. Lalpa in a lo sawi lawk ang ngei chun an in ang lo nasa ta mai a. A upa zawk, Essau chu in atanga hla tak taka vah chhuah nuam ti chi a ni a. Thil duh zawng a neih chuan, neih nghal rup rup a duh zel mai a. Ram chhuan nuam a ti a, hmun hla tak tak atangin a pa chu thil a rawn hawn thin a. A pa chuan an unau zingah chuan a duhsak zawk a ni.

A lehlamah ve thung chuan, Jakoba chu in bul vela chet tlat nuam ti chi a ni a. A pa beram rual leh bawng rualte enkawl dan a zir a. Ei rawngbawl dan te nen. Mi rintlak tak a ni chho va. A

nu bulah hun a hmang hnem hle. Tichuan anu chuan Jakoba chu a ngaina zawk a.

Nikhat chu Essau ram chhuak chu a rawn haw a. A ril a tam hle a, thil rimtui tak a hre ta a. Jakoba chuan thil tui hmel deuh hi a lo siam hauh hauh va, dailuah ni awm tak hi a lo chhuang ri berh berh a. Essau chu a nau hmaah chuan a va kal a, "Ril tamin ka thi mai dawn! I thil siam kha mi eitir teh khai," tiin a va dil a.

Jakoba chuan, "I ril a tam takzet em? I fa u nihna khan i lei mai dawn em niang?" tiin a lo chhang a.

Essau chuan, "Ril tamin ka thi mai dawn a nia! Ka thih miao chuan fa u ka nihna hian hlutna eng nge maw a neih ang le?" a ti a. Tichuan Jakoba chuan chhang tlem leh a thil chhuan lai chu a pe ta a. Essau chuan a eiin a in a, tichuan a thova, a chhuak ta a. Fa u anihna chu a ngai pawimawh miah lo va. A lungkham ber chu tun huna a awmdan chu a ni tawp mai. Chuvan tak chuan, a dam chhunga atana malsawmna chang tur thil hlu lutuk chu a chan ta a ni.

TIHTÛRTE

Sabbath

- Eirawngbawlna bulah dingin in mit han chhing the u. Chhungah in thil eitur in hre thei em?
- Esaua chu ransa pelha, pawnah awmvel hi nuam a ti a. A remchan chuan, vawiin chu in chhûngte nen pawnah thilsiamte zingah hun han hmang teh u. Esaua khan engnge a veh ðhin a, in rin in chhûngte zawt rawh u.
- Eitur min petu Pathian hnenah lawmthu sawi rawh u.

Sunday

- *Genesis 25:19-28* hi in chhûngte nen chhiarin sawiho teh u. An unauah tu zawk kha nge hmulthur? In ban kha in chhûngte nen khaikhin teh, tu nge hmungah ber?
- Esaua leh Jokoba an pian khan Rebeke kha kum engzat mi nge a nih? In pian khan i nu leh pa kha lum engzat mi nge an nih? Chutiang kum chu tunge in hriat?
- Thlai pianzia chi hrang hrang 14 chepthla teh. In chângvawn kha thumalte tein ziak ula, chawhpawlh rawh u. Chuan remþha leh ula, in chhûngte zirtir nan in hmang dawn nia.
- Midang chungah in ngilneih theih nan Pathian awmpuina dîl rawh u.

Thawhtannî

- *Genesis 25:27-34* hi in chhûngte nen chhiarin sawiho teh u. Esaua kha rilþam vanga a thih in ring em? Mihring hi tui leh chaw tel lovin ni engzat nge an damtheih hriat han tum the u.
- Esaua anga thil in nghahtheih loh deuhlai ngaihtuah teh. Engnge a nghawng? In chhûngte nen sawiho teh u.
- Tunkar chhunga ni khat tal chu soup in siamthei ang em zawt rawh u. Chaw tuitak min petu Pathian hnenah lawmthu sawi ang che u.

Thawhlehnî

- Chhung inkhawm laiin, *Matthaia 7:12* hi chhiarin sawiho teh u. In mil lo zawng deuh kha engtin ngei lo dawnsawn vel ang? *Matthaia 7:12* hi a taka

nunpui han tum teh. In chhung ami tu emawber tan thil ðatak vawiin hian tihsak rawh u.

- Nang leh in chhûngte inan lohna tarlang turin chart saim ula, chuan in chhûngte entir ve rawh u. Engnge in danglamna? Engtiang kawngin nge in in an? Pathianin inang lo leh chi hranga min siam avangin lawmthu sawi ang che u.

Nilainî

- *1 Thesalonika 5:15* hi In chhûngte nen chhiarho teh u. Hei hian engtin nge midang kan tawh hunin min puihtheih ang? ‘Chi hrang hrangin kan ðhanglian a’ tih hla sa ho bawk rawh u.
- Jokoba leh a thilngeinat zawng lem ziak rawh u. Khawvelah kan zinga cheng ni ve ta se, engte nge a duhzawng ni a in rin?
- Pawnlam en ula, rawng chi engzat nge in hmuh theih? Thilsiam a rawng chi hrang tamtak awm avangin lawmthu in sawi dawn nia.

Ninganî

- In zirlaia thawnthu kha In chhûngte hrihl ve teh. Esaua leh a thil ngeinat zawng lem ziak ula, tunah dam ni ve nita se, engte nge a ngeinatah in rin?
- In kohhran chhungkua kha ngaihtuah ula, in member ðhenkhat kha khawi aþanga lo kalte nge an nih hriat tumin puitlingte kha zawt teh. Hei hian Pathian chhungkua chanchin engtin nge min hrihl theih?
- Card siamho ula, tah chuan ‘Pathian chhung zingah in tel avangin kan lawm e’ tih ziak ula, in kohhran a upa deuhthe kha in thawndawn nia.
- In chângvawn kha ennawn ula, chuan inkohhran kha Pathian malsawn turin dîl rawh u.



Zirtâwpnî

- Vawiin chhung inkhawm laiin, *Genesis 25:19-34* hi chhiarin nawn leh teh u. In chhûngte kha in zirlai thawnthu chanchhuahna ah in puihtir ula, chuan mitin kha an chhungkua ngaihtuah ðeuhthe chanchin pakhat sawitir rawh u. A ngai kha sawi nawn awih a ni lo.
- Chhungkua hlimna lam hla sa ula, chuan Pathian in chhungkuate malsawm turin dîl rawh u.


PUZZLE

DAILUAH BELTHLÊNG KHATA HRALH

KÀWHHMÛHNA: Tûnkâr zirlai aţang hian enge kan zir chhuah thèih ang tih hmùh chhuah nân, a hnuaia thíl lem awmzenei tak hi chîk takin zír la. A hnuaia a chhanna lo chhuah theih dan entirna hi hriat thiam ngei tum ang che.

 **de +**  **+ d** **2**

Bee *d e +* *Vote* *+d* *TWO*

1  **- "t" + brother - "br".**

ONE *Ant* *-t = An* *brother* *-br = other*

Chhanna: "BE DEVOTED TO ONE ANOTHER."